

Projekat "Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji"

SMJERNICE ZA PODNOŠENJE PRIJAVE NA JAVNI POZIV

ZA UČEŠĆE U AKTIVNOSTIMA PODIZANJA ZASADA I PROIZVODNJE CRVENE PAPIRIKE NA PODRUČJU GRADA BIJE LJINA

Bijeljina, oktobar 2017. godine



Ovaj projekat finansira Evropska unija



LOKALNA PARTNERSTVA
ZA ZAPOS LJAVANJE
U BOSNI I HERCEGOVINI



International Labour Organization

1. Opšte informacije o projektu i ključne aktivnosti

Početkom septembra 2017. godine Centri civilnih inicijativa (CCI) su započeli sa implementacijom projekta "Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji".

Projekat će se implementirati na teritoriji Grada Bijeljine, a vodeći implementator je udruženje Centri civilnih inicijativa Tuzla (CCI). Partneri na projektu CCI su Grad Bijeljina, Zavod za zapošljavanje RS-filijala Bijeljina, „Sava Semberija“ d.o.o., te Ustanova za obrazovanje odraslih "Dositej" iz Bijeljine.

Projekat ima za cilj da doprinos smanjenju nezaposlenosti na području Grada Bjeljine, te povećanju konkurentnosti lokalnih poljoprivrednih proizvođača, kroz sljedeća tri specifična cilja:

- Motivisati i podržati najmanje 50 nezaposlenih osoba sa područja Grada Bijeljina da započnu proizvodnju crvene paprike za potrebe prerađivačke industrije u Bijeljini;
- Kreirati institucionalni mehanizam Grada Bijeljina za dugoročno usklađivanje poljoprivredne proizvodnje prema potrebama prerađivačkih kapaciteta na području Grada;
- Aktualizovati u javnosti važnost i prednosti partnerstava (lokalne administracije, proizvođači i prerađivači) za razvoj poljoprivrede kao i smanjenje nezaposlenosti u Bijeljini.

Projektni partneri, CCI, te Grad Bijeljina, Zavod za zapošljavanje RS - filijala Bijeljina, „Sava Semberija“ d.o.o. i Ustanova za obrazovanje odraslih „Dositej“, će provesti sljedeće ključne aktivnosti:

1. Javni poziv i odabir 50 lica koja će učestvovati u projektu, pri čemu će posebna pažnja biti posvećena definisanju kriterijuma za odabir korisnika. U okviru ove aktivnosti važan segment je i potpisivanje ugovora između korisnika projekta (proizvođači), Sava Semberija d.o.o.(otkupljivač) i CCI kao vodeći aplikant (u ime projekta).
2. Jačanje kapaciteta odabranih poljoprivrednika – sertifikovano osposobljavanje za plasteničku proizvodnju, sa posebnim akcentom na specifičnosti gajenja crvene paprike.
3. Pružanje stručne podrške odabranim poljoprivrednicima u realizaciji proizvodnje. Fokus će biti usmjeren ka nabavci kvalitetnog sadnog materijala, sredstava za zaštitu, navodnjavanje, usluga osiguranja nasada, te obezbjeđenju konsultantske i stručne podrške poljoprivrednicima tokom vegetativnog perioda.
4. Praćenje realizacije ugovorenog otkupa. U fokusu će biti praćenje provedenih normi i mjera koje su dogovorene između proizvođača i otkupljivača.
5. Podrška učesnicima u projektu u procesu preregistrovanja poljoprivrednih gazdinstava. U ovoj fazi projekta, kada dolazi do preregistracije gazdinstva iz nekomercijalnog u komercijalno, vlasnik ili nosilac prava na poljoprivredno gazdinstvo prelazi iz statusa nezaposlenog, u status zaposlenog.
6. Razvoj Koordinacionog tijela pri Agrarnom fondu Grada Bijeljina i podrška operacionalizaciji rada tog tijela radi kreiranja politika u oblasti poljoprivrede.

Planirani završetak implementacije projekta je 31.12.2018. godine.

2. Cilj javnog poziva

Prvenstveni cilj ovog javnog poziva jeste pružanje prilike zainteresovanim vlasnicima nekomercijalnih poljoprivrednih gazdinstava, sa područja Grada Bijeljina da podnesu prijavu za dodjelu paketa podrške za podizanje zasada i proizvodnju crvene paprike na otvorenom prostoru, na pojedinačnim površinama od 2,5 duluma.

Javni poziv je namijenjen zainteresovanim poljoprivrednim proizvođačima koji će prihvatiti obavezu da pohađaju obuku, da primjenjuju agrotehničke mjere prema uputama i stručnim savjetima konsultanata, potpišu kooperantske ugovore i isporuče ugovorene količine, a na taj način obezbijede siguran plasman proizvedene crvene paprike poznatom kupcu. Takođe, potencijalni aplikanti trebaju da u drugoj polovini implementacije projekta svoje nekomercijalno gazdinstvo preregistruju u komercijalno (u trajanju najmanje 12 mjeseci), te nakon sticanja statusa zaposlenog u tom periodu, budu brisani sa evidencije Zavoda za zapošljavanje.

3. Opis planirane podrške

U okviru ovog javnog poziva, podnosioci mogu podnijeti prijave samo za pojedinačne pakete podrške za podizanje zasada paprike kako slijedi:

R/B	Tip proizvodnje	Struktura paketa podrške koja će biti pružena od strane projekta svakom pojedinačnom korisniku
1.	Podizanje zasada i proizvodnja paprike na površini od 2,5 duluma zmljišta	Sertifikovana obuka o proizvodnji paprike, stručno konsultantska podrška kroz cijeli vegetacioni period, praćenje realizacije ugovora, dodjela besplatnog rasada paprike, đubiva i sredstava za zaštitu nasada za površinu od 2,5 duluma, stručna agro-pedološka analiza zemljišta, usluga osiguranja nasada, folija za uzgoj paprike za površinu od 2,5 duluma i 50% sufinansiran sistem za navodnjavanje kap po kap, za navedenu površinu.

Napomene: Navedeni paket podrške se ne može mijenjati niti prilagođavati zahtjevima i željama podnosioca prijave. Svi odabrani korisnici će biti u obavezi da preuzmu paket podrške unificiran po sadržaju i usklađen prema veličini zasada. Sve vrste usluga i nabavku roba realizuje CCI u saradnji sa partnerima projekta vršeći izbor ponuđača sa najboljim kvalitetom i najnižom cijenom.

Putem javnog poziva biće odabrano, 50 nezaposlenih osoba koje spadaju u kategoriju teško zapošljivih. Primarni fokus prilikom izbora će biti na mladima, ženama, osobama sa invaliditetom, osobama sa preko 50 godina starosti, povratnicima koji posjeduju minimalno 6 mjeseci registrovana nekomercijalna poljoprivredna gazdinstava sa minimalno 2,5 duluma obradivog zemljišta pogodnog za uzgoj paprike i koji su registrovani na evidenciji Zavoda za zapošljavanje. Oni će tokom projekta dobiti sertifikovanu obuku o povrtlarstvu (sa posebnim akcentom na uzgoj crvene paprike i proizvodnju rasade), te drugu ekspertnu i logističku podršku (dobiće kvalitetan sadni materijal, hemijsku zaštitu od bolesti nasada, đubrivo, osiguranje zasada od nesreća, a biće im i sufinansiran sistem za navodnjavanje). Takođe, tokom trajanja vegetativne faze svi učesnici projekta će imati podršku konsultanata poljoprivredne struke koji će im pomagati u svim fazama uzgoja paprike kako bi uspjeli proizvesti ciljanih ukupno cca 600 tona paprike i predati ih u Sava Semberija d.o.o. Bijeljina, u

skladu sa prethodno potpisanim ugovorom. Očekivani prinos po korisniku je cca. 12 tona crvene paprike, a prihod iznad 10.000 KM po korisniku.

U posljednjoj fazi projekta (oktobar-decembar 2018. g.) korisnici će imati razvijeno poslovanje i akumuliran kapital da svoja gazdinstva preregistruju u komercijalna i tako ostvare pravo da budu brisani sa evidencije nezaposlenih Zavoda za zapošljavanje.

Očekivanja su da će „Sava Semberija“ d.o.o. će na bazi pozitivnih iskustava, uspostaviti i razviti dugotrajniju komercijalnu saradnju i partnerstvo sa 50 poljoprivrednika proizvođača crvene paprike.

Nakon provedene procedure javnog poziva i izbora kandidata za učešće u projektu, između svakog korisnika u projektu (nezaposlena osoba), „Sava Semberija“ d.o.o. i CCI će biti potpisan Ugovor sa definisanim obavezama.

Indikativni vremenski okvir trajanja projektne podrške odabranim korisnicima je u periodu oktobar 2017–decembar 2018. godine.

Pravo učešća imaju sva fizička lica koja ispunjavaju opšte i dodatne kriterije i koja su spremna da poštuju ugovorene obaveze.

Nepotpune prijave se neće uzimati u razmatranje.

4. Kriteriji za prijavu fizičkih lica

Centri civilnih inicijativa sa partnerima na projektu, pozivaju sva fizička lica koja ispunjavaju potrebne uslove da podnesu prijavu za učešće u aktivnostima projekta “Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industrije”

Prijaviti se mogu fizička lica koja su se bavila ili se bave poljoprivrednom proizvodnjom, te koja žive na području Grada Bijeljina.

Svaki podnosilac prijave (fizičko lice) treba ispuniti sljedeće opšte kriterije:

- ❑ Podnosilac mora biti nezaposlena osoba registrovana na Zavodu za zapošljavanje RS - filijala Bijeljina kao aktivni tražilac posla;
- ❑ Podnosilac mora imati najmanje 6 mjeseci registrovano nekomercijalno poljoprivredno gazdinstvo, raspolagati sa poljoprivrednim zemljištem (od minimalno 2.5 duluma) ili posjedovati ugovor o korištenju zemljišta za naredne 2 godine i na kojem će se uspostaviti proizvodnja paprike. Zemljište koje se nalazi na klizištu se ne može koristiti za podizanje zasada;
- ❑ Podnosilac prijave mora imati prebivalište i baviti se poljoprivrednom djelatnošću na teritoriji Grada Bijeljina, te mora imati prethodno iskustvo u povrtlarskoj proizvodnji;
- ❑ Parcela na kojoj će se pokrenuti proizvodnja crvene paprike mora imati pristup putu i stalni izvor čiste vode za navodnjavanje (česma, bunar, čatrnja, potok i sl.);
- ❑ Zemljište za proizvodnju paprike treba ispunjavati potrebne agrotehničke i agropedološke uslove (osunčano i odgovarajućeg kvaliteta, zemljište ne smije biti močvarno i sa depresijama u kojima se zadržava voda i sl.);

Dodatni kriteriji (Nisu eliminatorni! – aplikanti koji ispunjavaju dodatne kriterije, biti će dodatno bodovani):

- Podnosilac živi u domaćinstvu u kojem su svi članovi nezaposleni, odnosno u kojem samo jedan član ima zaposlenje. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa;
- Podnosilac prijave je osoba mlađa od 35 godina starosti;
- Podnosilac prijave je osoba starija od 50 godina starosti
- Podnosilac prijave je žena;
- Podnosilac prijave živi u domaćinstvu koje ima 5 ili više članova domaćinstva;
- Podnosilac je samohrani roditelj;
- Podnosilac prijave ima status povratnika;
- Podnosilac ima status osobe sa posebnim potrebama i/ili invaliditetom, ili živi u domaćinstvu sa osobom sa posebnim potrebama i/ili invaliditetom.
- Podnosilac prijave je pripadnik nacionalnih manjina;

Ukoliko je ukupan broj potencijalnih korisnika koji ispunjavaju navedene uslove veći od broja korisnika koji mogu biti podržani, prednost će se davati višečlanim domaćinstvima te domaćinstvima koja u svom sastavu imaju osobe koje ispunjavaju više kriterija (npr. osobe sa invaliditetom koje dijele domaćinstvo sa osobama bez primanja).

5. Smjernice za prijavu i potrebna prateća dokumentacija:

- a) Nakon što projekat “Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji” objavi poziv za podnošenje prijave, sva zainteresirana fizička lica koja žive na području Grada Bijeljina, **moгу preuzeti odgovarajuće obrasce za prijave** u : Zavodu za zapošljavanje Republike Srpske - filijala Bijeljina (adresa: Karađorđeva br 15, 76300 Bijeljina) ili prostorijama Centara civilnih inicijativa (adresa: Gavrila Principa 1A, 76300 Bijeljina). ili sa web stranica <http://www.zzrs.net> ili <http://www.cci.ba/>
- b) Fizička lica koja ispunjavaju uslove se pozivaju da dostave prijave, uključujući i svu potrebnu prateću dokumentaciju koja je navedena u nastavku, **najkasnije do 21. novembra 2017. godine do 15 sati**. Aplikacije se mogu dostaviti lično i putem pošte na jednu od adresa:

Zavod za zapošljavanje Republike Srpske - filijala Bijeljina (adresa: Karađorđeva br 15, 76300 Bijeljina) ili

Centri civilnih inicijativa (adresa: Gavrila Principa 1A, 76300 Bijeljina).

Ukoliko se aplikacije šalju putem pošte, dokaz da je aplikacija dostavljena u roku predstavlja datum na otpremnici, poštanski žig ili priznanica.

Sve prijave koje se dostavljaju putem pošte moraju biti predane u zatvorenoj koverti naslovljene na “Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji” – JAVNI POZIV ZA PODIZANJE ZASADA I PROIZVODNJU CRVENE PAPIRIKE“.

- c) Za sve dodatne informacije i pojašnjenja tokom perioda podnošenja prijave, podnosioci zahtjeva mogu direktno uputiti pitanja, upite i zahtjeve u pisanoj formi,

na broj faksa +387 55 222 112 ili e-mail javnipoziv@ccibh.org. Pri slanju upita u pisanoj formi potrebno je naglasiti da se upit odnosi na javni poziv za podizanje zasada i proizvodnju paprike u sklopu projekta "Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji".

- d) Obrasci s nepotpunim podacima će biti odbijeni (označiti s nulom (0) ako podaci nisu navedeni).
- e) Prijave koje ne sadrže potrebnu prateću dokumentaciju se neće razmatrati.

Pored ispravno popunjenog i potpisanog obrasca za prijavu i izjave o saglasnosti, koji su sastavni dio smjernica (str 11.,12. i 13.), fizička lica koja se prijavljuju za učešće trebaju dostaviti prateću dokumentaciju, koja je navedena u nastavku.

Popis prateće dokumentacije:

1. Obavezna dokumentacija:

- Ispravno popunjena i potpisana izjava o saglasnosti korisnika u projektu, te popunjen i potpisan obrazac za prijavu;
- Kopija lične karte;
- Prijava CIPS (ne starija od 30 dana, original ili ovjerena fotokopija);
- Kućna lista za domaćinstvo aplikanta sa datumom izdavanja iz perioda trajanja javnog poziva;
- Potvrda o nezaposlenosti sa biroa za zapošljavanje - ne starija od 30 dana;
- Potvrda APIF-a da podnosilac ima najmanje 6 mjeseci registrovano nekomercijalno poljoprivredno gazdinstvo
- Označiti na kojoj parceli ili parcelama će se vršiti proizvodnja paprike. Parcele moraju biti navedene u Registru poljoprivrednih gazdinstava i klijenata. Ukoliko nisu navedene, potrebno je dostaviti kopiju ZK izvotka ili posjedovnog lista za predviđene parcele. Ukoliko parcele nisu u vlasništvu podnosioca prijave, potrebno je dostaviti ugovor o zakupu ili korištenju parcele u trajanju od minimalno 2 godine. Ugovor NE TREBA biti ovjeren kod notara.

2. Dodatna dokumentacija

- Ukoliko je osoba koja aplicira samohrani roditelj potrebno dostaviti sljedeće dokumente: Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece);
- Potvrdu o ukupnom vremenu provedenom na Zavodu za zapošljavanje
- Ukoliko ima i drugih članova u domaćinstvu, a da su nezaposleni, dostaviti potvrde o nezaposlenju i za njih.
- Lična izjava o iskustvu u proizvodnji paprike ovjerena u Gradskoj službi Grada Bijeljine (napisana od strane aplikanta)
- Ukoliko osoba koja aplicira ima status povratnika potrebno je dostaviti: 1. *Potvrdu za povratnike*: Potvrda izdata od gradske službe, MUP-a ili nadležnog ministarstva koja potvrđuje status povratnika;
- Ukoliko osoba koja podnosi prijavu ima status osobe sa posebnim potrebama i/ili invaliditetom, potrebno je dostaviti rješenje o invalidnosti ili zdravstvenom stanju, rješenje o radnoj sposobnosti ili neki drugi dokument u kojem je identificiran invaliditet ili zdravstveno stanje. Ukoliko podnosilac prijave nema status osobe sa invaliditetom ili posebnim potrebama, a živi u domaćinstvu u kojem jedan član ili više njih imaju status osobe sa invaliditetom ili posebnim potrebama, onda je potrebno dostaviti navedene dokumente za osobe sa invaliditetom ili posebnim potrebama iz domaćinstva.

- Ukoliko osoba koja podnosi prijavu ima status osobe koja je žrtva nasilja potrebno je dostaviti odgovarajuću potvrdu Centra za socijalni rad

6. Uloge i odgovornosti strana

Projekat "Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji" će pružiti podršku odabranim korisnicima koja će se dodjeljivati u okviru raspoloživih sredstava projekta.

Svi aplikanti po osnovu ovog javnog poziva će morati potpisati Izjavu o saglasnosti, kojom izražavaju svoju spremnost da zadovolje sljedeće zahtjeve (Izjava o saglasnosti dostupna u nastavku na str 13):

- da pružaju sve relevantne informacije na zahtjev CCI-a te pristup parceli tokom posjeta u cilju procjene podobnosti za implementaciju projekta;
- da redovno učeštvuju u obukama (prisustvo teorijskoj nastavi i praksi) i aktivnostima savjetodavne podrške organizovanim u okviru projekta;
- da preuzmu paket materijalne podrške;
- da potpišu odgovarajuće tripartitne ugovore sa „Sava Semberija“ d.o.o. i CCI-om;
- da parcela na kojoj će se pokrenuti proizvodnja crvene paprike ima pristup putu i stalni izvor čiste vode za navodnjavanje (česma, bunar, čatrnja, potok i sl.);
- da daju vlastiti doprinos uspostavljanju zasada i proizvodnje paprike (priprema zemljišta, čišćenje i uklanjanje postojeće vegetacije i ostale pripremne aktivnosti prije i za vrijeme sadnje) tokom poljoprivredne sezone 2018. godine;
- da provode sve potrebne agrotehničke mjere za uzgoj paprike tokom perioda uzgoja.

7. Proces izbora

Izbor korisnika pomoći na osnovu ovog javnog poziva će vršiti Komisija za izbor od 5 članova koju čine partneri na projektu. Komisija će razmatrati prijave u skladu sa odredbama ovog javnog poziva.

Rezultati o izboru korisnika projekta biće objavljeni na oglasnoj tabli Grada Bijeljina Zavoda za zapošljavanje RS - filijala Bijeljina i Centrima civilnih inicijativa - kancelarija Bijeljina i na web stranicama <http://www.gradbijeljina.org/>, <http://www.zzzrs.net>, <http://www.cci.ba/>

Izbor korisnika će se odvijati u dvije faze:

Prva faza: Provjera usklađenosti i evaluacija prijava po kriterijima iz javnog poziva

- Komisija za izbor provodi pregled prijava i pregled usklađenosti prijave s administrativnim zahtjevima;
 - Provjera da li je dostavljena sva potrebna dokumentacija;
 - Vrednovanje i bodovanje prijava fizičkih lica.

Druga faza: Terenske posjete i procjena fizičkih lica/konačni odabir

- Komisija će procijeniti tačnost informacija navedenih u obrascu za prijavu.
- Komisija će provoditi terensku posjetu kod odabranih fizičkih lica iz prve faze, za koje se procijeni da postoji potreba.

Napomene: Ukoliko se ustanovi da ponuđeno zemljište nije pogodno za uzgoj paprike, prijava se neće uzeti u dalje razmatranje!

U slučaju da se kroz terenske posjete i verifikaciju podataka iz prijava dođe do saznanja o lažnom predstavljanju i davanju netačnih informacija, podnosilac/podnositeljka prijave će po automatizmu biti isključen/a iz programa.

8. Evaluacija

Sve dostavljene prijave će se ocjenjivati u dvije faze od strane Komisije za izbor, u skladu sa ispod propisanim kriterijima, pri čemu je svaka faza eliminatorna.

KORAK 1. OTVARANJE PRISTIGLIH PRIJAVA, PROVJERA NA OSNOVU ADMINISTRATIVNIH I KVALIFIKACIONIH KRITERIJA, I EVALUACIJA PRIJAVA.

U sklopu prve faze, po prijemu i otvaranju prijava, ocjenjuju se sljedeći elementi:

- Da li je prijava dostavljena u utvrđenom roku. Ukoliko nije, ista se automatski odbija.
- Da li prijava ispunjava sve **osnovne administrativne kriterije** navedene u listi ispod. Ukoliko ne zadovoljava i ukoliko je odgovor na jedno od pitanja u tabeli ispod „NE“, neće biti dalje razmatrana.

ISPUNJENOST ADMINISTRATIVNIH ZAHTJEVA I KRITERIJA			
Provjera ispunjenosti osnovnih administrativnih kriterija i dostavljene obavezne dokumentacije:		DA	NE
		Ispunjen obrazac za prijavu za podršku pri uspostavljanju zasada i proizvodnje paprike.	
Potpisana izjava o saglasnosti.			
Kopija lične karte.			
CIPS prijava (ne starija od 30 dana, original ili ovjerena fotokopija).			
Potvrda o nezaposlenosti glavnog aplikanta, sa biroa za zapošljavanje, ne starija od 30 dana;			
Dokaz o vlasništvu ili korištenju poljoprivrednog zemljišta od 2,5 duluma.			
Potvrda APIF-a o registraciji u Registru nekomercijalnih poljoprivrednih gazdinstava i Registru klijenata u skladu sa pravilnikom o registraciji poljoprivrednih gazdinstava.			

Također, u ovoj fazi će se izvršiti provjera ispunjenosti dodatnih kriterija i dostavljene dodatne dokumentacije. Lista ispunjenosti dodatnih kriterija i pripadajuće dokumentacije je kako slijedi:

Dodatna dokumentacija:		DA	NE
		Kućna lista za domaćinstvo podnosioca prijave sa datumom izdavanja iz perioda trajanja javnog poziva.	
Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece).			
Potvrda za povratnike			
Potvrda za žrtve nasilja			

Lična izjava o iskustvu u proizvodnji paprike ovjerena u Gradskoj službi Grada Bijeljine (napisana od strane aplikanta)		
Ukoliko ima i drugih članova u domaćinstvu, a da su nezaposleni, dostaviti potvrde o nezaposlenji i za njih.		
Ukoliko osoba koja podnosi prijavu ima status invalidne osobe ili osobe sa posebnim potrebama, potrebno je dostaviti rješenje o invalidnosti ili zdravstvenom stanju, rješenje o radnoj sposobnosti ili neki drugi dokument u kojem je identificiran invaliditet ili zdravstveno stanje. Ukoliko podnositelj prijave živi u domaćinstvu u kojem jedan član ili više njih ima status invalidne osobe ili osobe sa posebnim potrebama, potrebno je dostaviti i navedene dokumente za invalidne osobe ili osobe sa posebnim potrebama iz domaćinstva.		

Napomena: Dodatni kriteriji nisu eliminatorni i njihovo neispunjavanje ili djelimično ispunjavanje neće diskvalifikovati podnosioca iz procesa evaluacije.

Evaluacijska ljestvica

Dodatni kriteriji	Maksimalan broj bodova
Podnositelj prijave je osoba mlađa od 30 godina ili starija od 50 godina. starosti a) Podnositelj prijave do 30 ili iznad 50 godina – 10 bodova b) ostali – 5 bodova	10
Podnositelj prijave je žena	10
Podnositelj prijave ima iskustvo u proizvodnji paprike ili druge povrtlarske kulture	8
Vrijeme provedeno na Birou (aktivno - pasivno) – max 8	8
Podnositelj prijave je pripadnik nacionalnih manjina	3
Podnositelj živi u višečlanom domaćinstvu: a) Domaćinstvo od 7 i više članova -10 bodova b) Domaćinstvo od 5-6 članova -6 bodova c) Domaćinstvo do 4 i manje članova -2 boda	10
Podnositelj prijave je samohrani roditelj maloljetne djece ili djece na školovanju.	10
Podnositelj prijave ima ili je imao status povratnika	3
Podnositelj prijave je žrtva porodičnog nasilja	3
Podnositelj ima status invalidne osobe ili osobe sa posebnim potrebama ili živi u domaćinstvu u kojem jedan član ili više njih ima status invalidne osobe ili osobe sa posebnim potrebama.	10
Podnositelj živi u domaćinstvu u kojem su svi članovi nezaposleni. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa: a) Svi članovi nezaposleni -15 bodova b) 1 član zaposlen -10 bodova	15

c) 2 i više članova zaposleno -5 bodova	
Ukupan max. broj bodova:	90

Nakon ocjenjivanja prijedloga u skladu sa iznad navedenim kriterijima, definiše se preliminarna rang lista u skladu sa ostvarenim brojem bodova.

Nakon toga, u sklopu druge faze procesa selekcije će se izvršiti verifikacija tačnosti podataka navedenih u obrascu za prijavu i raspoloživih informacija iz službi kao i iz APIF baze, te će se definisati konačna rang lista izabranih korisnika.

9. Indikativni vremenski okvir

Predviđeni indikativni vremenski okvir za provedbu procesa odabira je slijedeći:

AKTIVNOST	DATUM
Objava poziva	31.10.2017
Informativna kampanja i posjete MZ	31.10.2017
Rok za podnošenje prijave	21.11.2017
Obavijest o konačnim rezultatima poziva	30.11.2017
Potpisivanje ugovora sa odabranim fizičkim licima	decembar 2017. godine

OBRAZAC ZA PRIJAVU NA JAVNI POZIV¹

Projekat “Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industrije” Prijava za podršku za uspostavljanje zasada i proizvodnje paprike		
INFORMACIJE O PODNOSIOCU PRIJAVE		
Ime i prezime:		
Datum rođenja:	JMB:	Broj telefona:
Adresa:		
Mjesna zajednica:		
Broj članova domaćinstva:		
Da li ste na birou registrovani kao aktivni tražilac posla: Da <input type="checkbox"/> Ne <input type="checkbox"/>		
Status invalidne osobe ili osobe sa posebnim potrebama: Da <input type="checkbox"/> Ne <input type="checkbox"/>		
Da li u domaćinstvu imate članova domaćinstva sa statusom invalidne osobe ili osobe sa posebnim potrebama: Da <input type="checkbox"/> Ne <input type="checkbox"/>		
Status samohranog roditelja: Da <input type="checkbox"/> Ne <input type="checkbox"/>		
Status povratnika: Da <input type="checkbox"/> Ne <input type="checkbox"/>		
Status žrtve nasilja: Da <input type="checkbox"/> Ne <input type="checkbox"/>		
Pripadnost nacionalnim manjinama: Da <input type="checkbox"/> Ne <input type="checkbox"/>		
Da li ste u protekle 3 godine učestvovali u nekom od sličnom projekatu? Da <input type="checkbox"/> Ne <input type="checkbox"/>		
Ukoliko je odgovor da, navedite u kojem projektu ste učestvovali: _____		
PODACI O SOCIJALNOM STATUSU PODNOSIOCA		
Radni status (za članove domaćinstva između 18 i 65 godina starosti)		
Ime i prezime člana domaćinstva	Zaposlen/a (odgovoriti sa Da ili Ne)	Student/ica Penzioner/ka
STATUS POLJOPRIVREDNE PROIZVODNJE		
Navedite kojom ste se poljoprivrednom djelatnošću bavili ili se trenutno bavite (voćarstvo, povrtlarstvo itd.)?		
Navedite površine koje ste obrađivali ili trenutno obrađujete (u m2)?		

¹ Kao odgovor na pitanja iz obrazca za prijavu koja nisu primjenjiva u Vašoj situaciji, trebate navesti nulu (0) u polju predviđenom za odgovor

<p>Navedite godišnje prinose po kulturi koje ste ostvarivali?</p>	<p>_____ kg _____ kg _____ kg _____ kg _____ kg</p>	
<p>Gdje i kome prodajete svoje proizvode?</p>		
<p>Da li se trenutno bavite ili ste se bavili uzgojem crvene paprike? Ako da, kojih sorti?</p>		
<p>Da li posjedujete poljoprivrednu mehanizaciju? Ako da, navedite koju.</p>		
<p>Ja, _____, ovim potvrđujem tačnost navedenih podataka i prihvatam da netačnost navoda u ovoj prijavi znači automatsku diskvalifikaciju mog učešća u projektu "Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji"</p>		
<p>Potpis:</p>	<p>Datum:</p>	

IZJAVA O SAGLASNOSTI

Ja, _____ /ime i prezime podnosioca prijave/,

saglasan sam da u slučaju da budem izabran za učešće u projektu "Jačanje integralne poljoprivredne proizvodnje za smanjenje nezaposlenosti i supstituciju uvoza u prerađivačkoj industriji", na zahtjev CCI-a osiguram sljedeće:

- pružanje svih relevantnih informacija na zahtjev CCI-a te pristup parceli tokom posjeta u cilju procjene podobnosti za implementaciju projekta;
- učešće u obukama i aktivnostima savjetodavne podrške organizovanim u okviru projekta
- preuzimanje paketa materijalne podrške
- potpisivanje odgovarajućeg tripartitnog ugovora sa „Sava Semberija“ d.o.o. i CCI-om
- parcela na kojoj će se pokrenuti proizvodnja crvene paprike, ima pristup putu i stalni izvor čiste vode za navodnjavanje (česma, bunar, čatrnja, potok i sl.);
- vlastiti doprinos uspostavljanju zasada i proizvodnji paprike (priprema zemljišta, čišćenje i uklanjanje postojeće vegetacije i ostale pripremne aktivnosti prije i za vrijeme sadnje) tokom poljoprivredne sezone 2018. godine;
- provođenje svih potrebnih agrotehničkih mjera za uzgoj paprike tokom perioda uzgoja.

Potpis: _____

Datum: _____